

歐

北

集

甌北集卷四十七

乙丑

陽湖 如翼 雲崧

乙丑元旦

歲朝淑景正晴和遙拜觚稜佩玉珂大耋鬚眉同輩少

太平時世樂方多老仍故步循牆走閒作新詩擊壤歌

笑引耆英洛中例我當首座占巍哉

洛陽耆英以富鄭公爲首連時年七十九今余亦同

此歲

題寒石和尚吾與菴圖

支遁遺踪古道場傳衣人又寄禪床菴名似更思招隱

我是寒山趙宦光

石菴相公輓詩

纔送還 朝數月前俄驚仙馭大羅天向愁久別難重  
見豈意相逢遽永捐黃閣調元榮再世青燈談藝記當  
年翻思昨歲南來日天子吾曹一面緣

貞白汾陽陸放翁壽俱八十五纔終高名已屬三君子  
大奎今添一相公勲業不妨文敵武神仙皆到老還童  
卽論落紙烟雲妙也抵山陰萬首工

我與公交跡最陳秀才時已客平津

余初入京文正師卽延入邸第

分岐雖

隔青雲路問世同爲白髮人楹帖一聯成絕筆書籤十

冊枉隨輪

公臨行爲余書楹帖并索拙著撫去

始知老健原難恃只在斯須臂

屈伸

楹帖十八字務觀萬篇半皆歸里作敢期三樂全是達生言蓋絕筆也

題陳無波慕陵詩稿爲其曾孫十峯作

徵君著述有遺編  
篋衍藏來久始傳  
學問終推前輩好  
表彰端賴後人賢  
集來碎錦衣無縫  
中多集句  
湧出層闌筆  
有泉不用杜歐遙  
寄托二陵風雨入  
詩篇  
君事少陵廬陵詩文以名其稿故即

月二陵風雨爲喻

### 新年

一笑貪癡鶴髮翁  
新年又喜欸春風  
閒尋古老人爲伴  
數到淇園衛武公

### 春夜看孫男女舞燈戲賦

碧天如水月如霜  
五丈空庭作戲場  
破費買燈錢一貫  
魚龍兩隊小排當

行春五馬記南州  
謝事歸來剩故驄  
卒興丁無一在

自攜童稚作遨頭

兒女青紅樂事多新年例得免譙訶老夫恐踏唐休璟

不敢隨他戲拔河

唐休璟佔三品以上戲拔河隨經踏地

跳跟如虎吼如雷似傲衰翁意氣頽七十年前思舊事  
也曾上樹日千迴

都是孫曾手白持舞燈供我作酣嬉笑他白傳空尋樂  
只仗樊蠻唱柳枝

諸孫醵資饗我戲賦

童稚殊多事承歡各醵貲似防催我老特引逐兒嬉洗  
腆燂肥牡烹鮮割伏雌莫言無以答吾已具含飴

筆工胡生以羊毫裹兔穎名之曰綿裏針頗馴健

可書戲爲二絕

老來那得更還童  
自分中書老不中  
忽得銀毫濡墨寫  
白頭公變黑頭公

柔毛何意內含剛  
恰與詞人寫錦囊  
放出品芒高萬丈  
依然佛頂白毫光

哭劉可行舅兄

松筠方喜景長春  
何意康強遽節巾  
名行已歸耆舊傳  
觀知共惜老成人  
生無嗜好惟耽學  
家本清寒尚卹貧  
欲識蓋棺公論定  
淳風共說葛天民

生平執友本無多  
况復相隨到髫髻  
尚擬泛舟偕襲美

已辭折簡召閭羅

君自言三年前夢閭羅有請帖到以編劇家集未成辭不起

文心積習原成

癖嗜語通靈轉似魔從此故人都哭盡爲君拚竭淚滂沱

花朝夜看燈

元宵燈火未繁雄移在花朝半夜鐘幻出人間真陸海  
滿街曼衍舞魚龍

王惺園相公輓詩

鼇頂科名位秉鈞何期致政遽歸真素風到老如寒士  
公論同聲說正人解綬臣辭前席寵懸弧

帝錫尚方珍歸田仍歿長安道遙識心猶戀

紫宸

公已致仕歸里國八十壽辰上  
龍錫優厚來京謝恩遂歿于京

曲江賜宴其恩榮中外分岐遂判程我慕千秋勤著述

公登一品佐昇平特邀

主眷原奇遇難得官高尚令名一甲三人兩徂謝此身

雖在也堪驚

榜眼胡孫堂官至  
總憲已先下世

一 一月中連得石菴惺園兩相之訃又哭可型舅兄

生平交舊於是盡矣凄然有作

新年一月哭三人都是鴈眉大耋身

年皆八十以上

齒序漸應輪

到我不知更閱幾青春

米貴

米貴真看逐日昂民間一撮藉通腸老夫家法難行處  
要授全家辟穀方

徐媛管貞婦詩



矢志堅從一星奔赴飾巾百年無見日廿歲未亡人枕  
漬惟紅淚燈寒似碧燐夢中同穴誓衆裏同隅身直待  
死連理何曾生御輪由來名義重豈爲琢貞珉

常州東門外天寧寺最崇敞殿宇百畝僧徒常數  
千指江南一大叢林也顧未有詠之者僧了月  
修造工竣詩以落之

祇洹樓殿映霞丹江北江南一刹竿千載不遭兵火厄  
半空直接斗星寒鳴鐘聲集齋堂飯汲綆痕深石井欄  
代有名僧爲起廢緣知福地占蒲團

雞戲

峩冠壯距奮雄鳴可惜單栖到五更爲聘一雌相配匹

老夫家法最通情

真娘墓

虎邱二月踏青天閒訪真娘古墓田脂粉香留遊客弔  
鶯花地愛美人傳平蕪經燒猶遲雨新柳纔梯未著烟  
也似香山白居易競將杯酒滴荒阡

道學

禪榻茶烟颺鬢絲老來漸少疚心時只慚琢句求工處  
道學先生所不爲

曠覽

誰出青天外閒觀大局棋無今安有古旣滿卽將虧兩  
曜九雙轉千年黍一炊名心亦癡夢智叟笑山移

石首魚

石首魚價獨增貴不在魚乃在冰江南此物出三月雋  
味恃有嚴寒凝去年冬煖凌陰竭獻羔難望開層層坐  
使銀鱗易臭腐海師勿敢輒舉罾今朝何幸飫鮮美松  
鱸漢鰯不足稱但有膏腴絕芒刺色香未變餘寒仍得  
非遠移嶰山雪護此潔白驅蚊蠅我昔閩遊作常饌過  
午輒敗因炎蒸豈知得水即可耐造化亦聽人力勝價  
高利厚趨若鶩百計懸致幽崖緼因之放箸一長嘆唐  
花窖菜古所懲

錦囊

老已中乾尚外強嬉遊還逐少年場怕人笑我詩才盡

特遣奚童背錦囊

小遊仙

瑤草琪花引洞天誤人春夢小遊仙  
麻姑爪豈曾搔着枉被方平一頓鞭

右手忽患風痺食指中指不能把筆  
將成痼疾矣昔偶中風痺尚不關血氣  
兩指今不仁竟難使以臂要書況在右  
坐令百事廢枉負巨擘稱謬忝中權寄  
書窗一把筆尤苦入重脰由來筋力衰  
消息早暗遞老樹雖尚榮一枝已先萎  
迴憶年少時作力何負晶捧日擎青天  
直欲隻手試漚麻李陽拳白打肯誰避  
寸晷輒萬言一揮亦七制淋漓盾鼻間  
腕脫未告瘁庸知入暮年默

已減生意枯皮裹瘦骨軀殼久漸敝精氣貫不到先已  
折一翅昔輕百斛扛今重千觔墜若或掣其肘牽絆力  
徒費敢鬥拇陣酣只供肱枕睡偶然一濡毫冀托翰墨  
戲離披偃風草槎枒觸眼刺翻似蚪斗奇或類蚯蚓斃  
可憐斛律金竟不成屋宇一紙糊塗帳笑我亦不記

俊兒京闈報罷入貲以別駕就選卽事

京闈報罷也尋常別慶彈冠當舉場鄉望謬推通德里  
儒門乃有納貲郎未妨名士原銅臭但恐書生斷辦香  
家世賣文今買爵此情聊可一誇張

舟行

知有烟村綠水灣寥寥一犬吠柴關百株楊柳千竿竹

惜不移家住此間

二麥將收連旬大雨感賦

米價經年節節高茅檐待哺正嗷嗷麥秋時候連旬雨  
天要殺人不用刀

麥已歉收雨猶未止而龍舟之戲尚華艷如昔感

賦

正是柴荒米貴時龍舟仍復鬥琴麗滿堂燕雀羣嬉處  
中有饑寒世未知

只恐饑荒在眼前中流鑼鼓漫喧天老夫聊亦逢場戲  
不敢思量到半年

血氣日衰竹初勸食人乳戲作

昔年乳藉養牛

見漢書

供人乳今更軟飽功驕貴莫嗤人

代畜貪癡要想老還童

晬盤孩稚已扶牀又費餐錢雇奶娘黃口曾孫黃髮叟  
一齊都帶乳花香

酕醄當年飲滿杯憶曾扈從白龍堆旁人只道猶干進  
欲學張蒼拜相來

不煩燥濕効勤多新婦居然暫作婆若使屈尊呼乳媼  
我年三倍長于他

味到寒儒始覺珍不教涓滴漉陶巾恐防悞作蒸豚用  
莫近人間富貴人

燒丹煉汞冀成仙久作人間笑柄傳今日笑人還自笑

也從服食乞長年

味辛自松江歸述菴侍郎珮珊女史俱寄聲存問  
并知珮珊能背誦拙詩如瓶瀉水各寄謝一首

十載邊疆踏戰塵歸勤著述泖湖村五官俱廢名心在  
二品非榮老學尊湖海論文無輩行文章傳世卽兒孫  
衰年我亦頽唐甚能否扁舟一欵門

寄述菴

騷雅中誰識苦辛正難物色向風塵豈期白首新知已  
翻在紅顏絕代人繡出弓衣傳唱遠拂來羅袖愛才真  
拙詩背誦如流水多恐污君點絳唇

寄佩珊

自遣

熊魚兼取本天慳老去塵緣已盡刪名或可傳聽日後



詩畱不盡與人閒身隨甌窰

上聲

豚蹄祝夢斷周陸豹尾

班獨惜退休三十載不曾絲髮濟時艱

無聊

天以無聊困此翁轉尋生活寂寥中一聯未穩何關繫  
竟費推敲半日功

插秧

平疇欣雨止栽插趁梅天麥歉愁先竭家家蒔早和

莊映山徵君枉詩投贈次韻奉答

稽古功深筆代耕傳經戶屢滿諸生鄉評已共尊三老  
薦牘交推到九卿高允最榮徵士頌正倫不愧秀才名  
醇儒學行師資在我欲相從拾落英

居如參駢士衡東

下榻與余  
家比鄰

相訪無煩典謁通兩點合流

分院水花香暗度過牆風出應逐隊雙飛蝶歸好聯吟

百吉虫斗酒肯來相就飲恰餘三百老青銅

### 生事

出身草澤躡蓬萊官有腰魚壽背鮐老樹尚期千尺長  
名花已到十分開半收芋栗當全熟薄病侵苓壓小災

旅翁詩留  
病歷災年

但使高明憂鬼瞰他年或免食嗟來

余年十九補弟子員今七十有九又屆乙丑院試  
之期作重遊泮宮詩記事

佳話爭傳泮水塘一周花甲又芹香阿婆迴憶新婚夕  
老將重經舊戰場殘墨尚留題字柱銘鋒早脫處雖囊

卷五  
九  
青年不獨迂儒幸，彌見昇平景運長。

賢門裾屐記前遊，又見訕訕出俊流。便合膝行觀壁上，  
漫勞足曳跂壺頭。舊痕久掃離巢燕，陳迹難追踏磨牛。  
惟有秀才餘習在，一編仍守夜窗幽。

一彈指頃盛衰殊，曾記初程便棄繻。續是新生寧畏虎，  
馬今漸老反爲駒。房公入寺疑前世，波匿觀河認故吾。  
爲語少年諸譽髦，故須及早奮修途。

先後同年例可循，一般蘭譜誼相親。舉場應喚新先輩，  
鄉飲慚叨舊大賓。坡老纔如一場夢，劉郎真是再來人。  
也虧頑健能堅耐，初地重遊六十春。

夢醒

夢醒書窗霽景開  
黑甜餘味美于回  
老來貪睡慵朝起  
只有詩成枕上催

暑夜納涼孫男女七八人爲我敲背衆手竝舉雜  
還無序亦一樂事也戲書

暑夜坐納涼月陰度簾幕七八孫男女憐我太寂寞如  
蕨小兒拳都向船背拍雞肋不足當幸非李陽惡爭先  
試技癢不禁喜躍躍也無先後序竟似叢毆虐或疊如  
貫珠或碎如飛電重輕紛不齊疎密相間作就中有點  
者新意摩筋絡按摩到脅腰爬搔及股脚陋飲吐納方  
元化竊秘鑰禽戲尚矯揉熊經亦隔膜茲獨暢肢體導  
引勝良藥欲勞以含飴口衆難遍嚼慰之好言詞私心

實懷作一笑兒女累向悲塵鞅縛爲祖二十年始識有孫樂

燕窩

異味何須貴子鵝古人所見究無多饒他日食錢千萬未識交南海燕窩

燕窩始于明末見周祿園閩小記

憂旱

今年天作

去聲

奇文章大開大合爲弛張一雨輒經數十

日一晴又歷匝月長可憐麥收已大歉萬命只托新栽

秧雖有長河足灌溉踏車先要飽糗糧輓轡饑腸枯槁

腿枵戰醅盡白汗漿田高於河僅尺咫餓不能戽成陵

岡黃梅至今兩月耳憂潦忽改憂旱傷乃知天公好奇

奇不得乾啼濕哭俱爲殃不如手筆仍故常無恒雨亦無恒暘

登太平寺塔

凌虛宰堵覽蒼茫始覺書生眼寸光無獎不成天地大有愁方度古今長長安賢佞三期口漢書王尊傳廣武英雄百戲場待得塵緣看到破老夫亦已熟黃梁

劉瀛坡總戎別構精舍於聽事之東落成奉賀

承平福將劉總戎建牙到處無邊烽年未懸車早解綬

三珠樹已森青葱

三子皆人仕

健飯廉頗老無事別構精舍聽

事東綠野平泉太華澤縮本摹來不嫌窄砥室曾無鏤刻紋綺疏但有玲瓏格蓄水兼規炭谷湫壘山更選湖

龍石繚以曲欄間隔之遂覺中藏宛委宅煥館涼軒曠  
與兼五百由旬在尋尺勺水幾涵渤澥澄一卷似聳岷  
峨碧知公韜略無所施小試運籌安几席宦成娛老本  
人情日暮途長每倒行或侈食單窮水陸或誇曲部調  
竽笙君獨精營虛白室懸知風味玉壺清獨是落成須  
譙集暖房豈得無酒食主人若不折簡招惡客便當排  
闥入

西瓜

熱斂翻餅困炎歊只有涼瓜可沃焦不是甜冰是甜雪  
滿瓢到口卽時消

出郊

一節兩屐出郊原極目青圻景色繁待渡馬嘶芳草岸  
歇涼人託綠楊邨好風一陣新蒲扇薄酒三升老瓦盆  
此卽江鄉好圖畫何須遠訪翟家園

楊誠齋守常州翼游翟家園今遺址無考

### 論文

美醜曾何定聊堪借論文無殊尊赤土有鶴賤雞羣辛  
苦期丹轉蹉跎已白紛紛千劫內過眼總烟雲

### 舟夜

夜泛橫塘路延緣一櫂輕火雲遲日落水月逐船行岸  
草流螢影田禾吠蛤聲秋成欣有望計日食新秔

### 哭時齋侍郎病歿陽穀舟次

兩世師生六十年南歸正好共流連豈期半路將逢候



翻隔終身一晤緣旅櫬料無題湊美夷槃安得伐冰堅

祇應卹典哀榮備猶荷 恩光賁九泉

恩吉照侍郎  
銜賜卹

書堂燈火最情親回首鴻泥跡已陳我忝先生翻後死

余長君  
十歲

君雖大貴卻長貧支來官俸惟償債典去朝衣尚

醺賓今日翟公門巷冷指困高誼屬何人

夜泛

經旬不出避炎曦又是西流大火時夜露無聲衣自濕  
秋風有信葉先知禾豐差補來牟歉夏閏猶嫌穠稔遲  
待看滌場收稼後依然風景復恬熙

孫母許太恭人輓詩

河曲縣勲母德州督糧  
道星衍祖母年九十八

執紼何須薤露詞吉祥善事在靈輻送喪破涕翻成笑

百歲亡親八十兒

逃荒嘆

男拖棒女挈筐過江南下逃災荒云是淮揚稽天浸幸  
脫魚腹餘羸尪百十爲羣踵相接暮宿野寺朝城坊初  
猶倚門可憐色結隊漸衆勢漸強麾之不去似吠犬取  
非其有或攘羊死法死饑等死耳垂死寧復顧禁防遂  
今市闔白晝閉餓氣翻作凶燄張黔敖縱欲具路食口  
衆我寡恐召殃側聞有司下令逐具舟押送歸故鄉卻  
望故鄉在何所洪流降割方湯湯

暮景

重重妄念未全蠲大耋嗟來始憬然但積黃金何處用

縱登青史幾人傳漫期子弟牛驥角剩有頭顱馬白顛  
俯仰無成惟自愧敢誇老健地行仙

題劉笏齋州牧一葦渡江小照

飄然一葦去如梭赤腳橫江彷彿磨只恐禪心還破戒

有人蓮步轆凌波

謂君所善  
女郎愛珠

除夕檢閱詩稿戲作

心花怒發記從前湧地真如萬斛泉誰料老來才頓盡  
半年詩只兩三篇

甌北集卷四十八

丙寅

陽湖 趙翼 雲松

丙寅元日

生長昇平八十年一堂四代列長筵向來夢想何曾到  
況有詩名或可傳手顛畧嫌提筆重眼昏猶愛看花妍  
梅鬢柳眼東風軟又滿春光拄杖前

新正初五日大雪

一冬無雪到平田新歲瓊英遍八埏預兆年豐天雨玉  
似防春冷地鋪綿肥添梅朶香猶斂清泮茶芽色倍鮮  
却省出門酬應冗明窗靜擁一爐烟

八十自壽

偶然七尺落紅塵彈指俄驚八十春  
湖海漫傳垂釣叟英雄豈在讀書人  
惠夷處世聽時論童耄觀河感昔因  
捕虎逐麋今已矣燈窗依舊苦吟身

早登仕籍早歸田正值重熙極樂天  
才短愧無經世用時清惟有作詩傳  
綠簑泛兩船雙槳紫陌看花杖百錢  
如此太平寧易遇四千年內不千年

自唐堯卽位元年至明  
崇禎末共四千零二年

一出春明道阻長天教遊跡破天荒  
攜來詞客驚人句踏遍前賢謫宦鄉  
炎徼風清無瘴癘蠻陬地闊有梯航  
難忘最是邕西路已築生祠祀狄梁

鎮安民已爲余立生祠  
劉觀察大觀云

少日飛揚氣吐虹曾磨盾鼻挽雕弓  
虛叨塞上頭鵝宴未有軍前汗馬功  
結客漸如揚鰓散代人徒作嫁衣工

可憐八十年心力不在凌烟圖畫中

求仙學佛兩無成  
崛起猶餘傲骨撐  
自吃庾郎三韭飯  
不嘗樓護五侯鯖  
買山錢肯從人乞  
諛墓金仍贈客行  
也是天公曲全意  
免教涓滴領人情

年將四十纔生子  
豈意孫今又抱孩  
在我原爲非分福  
知他誰是不羈才  
金防躍冶爐常守  
樹望成陰土屢培  
卻被達觀人暗笑  
何如且醉眼前杯

七十相傳自古稀  
況今又過十年期  
想蒙疎網吞舟漏  
得緩征輪下坂馳  
倘不早歸應貴顯  
偶思再出已衰遲  
緣知百寶黃齏在  
未到生平飯滿時

束髮耽書誦夜闌  
得登館閣附鸞鷟  
當時擬藉文章進

臨事方知幹濟難官去僅餘風兩袖老來聊臥日三竿  
遍翻史傳無尋處或有人從藝苑看

追憶宦遊陳迹雜記以詩

歷歷前塵尚眼前流光忽已到華顛追思數歷官中外

八十年中十八年

余官中書舍人六年翰林六年出守鎮安  
廣州及從軍滇南擢貴西道又共六年

出身先到鳳凰池銀燭朝天步玉墀一曲陽春人閣筆

幼鄰新製早朝詩

賈至字  
幼鄰

放翁落筆中書省自覺榮光豔薦紳那識樞曹清切地  
朝朝染翰寫絲綸

三十書生髯未斑扈從大獮出嚴關秋高落葉西風裏  
立馬興桓古塞山

臚唱雲端玉殿音蓬萊幾到最高岑一條軟繡遊街處  
多愧冰銜署翰林

棘闈三度校文工摸索由來在暗中六個翰林

董潮祝德麟龔驂文

祥慶李鐸

雙總督

費筠浦

先生頭腦不冬烘

邕管儂岑舊陸梁一麾山守已康莊崑崙關口工堯隘

開弔天南古戰場

具前關狄青破儂智高處  
工堯隘沈希儀破岑猛處

蠻俗從來好鬪爭前朝曾此屢勤兵莫嫌官吏循良少  
自改流來漸太平

伏波灘外瘴雲高詞客南遷一葉飄醉臥藤陰呼不起

至今人祭海棠橋

秦少游貶橫州海棠橋其遺跡也

儒將威名耳貫雷專征來卻受降回兵機亦自良知出



何害軍中講學臺

王文成平田州時駐節南寧有講學臺石址尚存

文吏從戎亦是豪而今久已脫征袍只餘見獵心猶在  
笑撫征南舊佩刀

幾代開邊掃瘴烟伏波諸葛獨名傳  
粵中銅柱滇銅鼓占斷西南萬里天

父一如何人盡夫鳳樓襟主淚痕枯  
難爲妻又難爲女

千載傷心抑不蘆

元梁王爲明玉珍所攻求救於大理土官段功功來擊敗嗣兵王妻以女阿蓋後又疑功有併吞志使蘆毒殺之

之蘆不從梁王乃使人拉殺之蘆誓死不嫁抑不蘆花顏色改蘆詩也

蓋世功名靖遠侯征蠻終未縛  
蠻酋至今鬼哭山頭石

空勒穹碑禁渡舟

王驥征麓川渡猛養江刻石鬼哭山云石勒江枯爾乃得渡

豐城老將肅南征平瀾歸曾激亂兵  
國手何嘗無敗著

要從全局看輸贏

明鄧子龍征緬歸以軍糧不給軍潰肆掠至省城始就誅然卒能平緬甸擒岳鳳今永昌湧珠泉亭上有手書

一聯百戰歸來贏得長邊白髮千金散盡重看湖上青山至今猶可想見英氣也

政績何曾虎渡河也留遺愛在蠻歌昔人畏壘逃尸祝  
占得生祠愧已多

十五盈盈初上頭水街絃管礙千舟珠江十里胭脂水  
流盡繁華是廣州

曾上羅浮看日烏近聞賊藪費搜逋不知華首臺邊路  
還剩蒼松幾十株

華首臺山路松陰凡三四里

陸跨征鞍水泛船郵籤又到夜郎天建牙不是投荒客  
天要黔詩補謫仙

李白流夜郎中道赦歸實未至黔也

苗獯深山各據巢水西黑種更雄豪納糧供役談何易

國朝集 卷四  
慨想前人戰伐勞

南戒遊踪未到閩故人邀我去叅軍多情只把官相誘

誰識人間舊墓文

使相李欽齋以一事邀余入閩  
屢欲素余補官余堅辭乃止

禪智山光好墓田揚州留滯也前緣平山花月紅橋酒  
杜牧游踪竟十年

老去名心已淡忘翻思驥尾借餘光羽衣吹笛人千古  
爲慕京坡住顧塘

紇干山雀背鄉飛生處難忘舊息機重過西干釣遊處  
手栽楊柳已成圍

從子廷鋪從孫公蘭孫作梅阿發阿科俱應童子

試喜賦

子弟亦何與人事却愛蘭玉森階砌老夫晚景百不營  
只慮書香或中墜今韋童律課有司乃有五男素筆試  
從子廷鏞孫作梅兩皆孤兒稍成材從孫公蘭較年長  
上樹不復嬉千廼就中二孫太莽魯阿發阿科勇先賈  
詩文僅可免曳白見獵心喜弗能阻氣矜自覺目無難  
初生之犢不畏虎老夫亦頗興飛揚頭角先誇屋下郎  
却憶昔年曾此地纔拈一箭便穿楊

六十年前余初應童子試是歲卽補弟子員

霄從此初翔步洊歷金扉白玉堂

秦望山

張士誠駐兵處戰敗後明吳貞等遂拔江陰城

秦望山高好駐兵淮張曾此瞰江城亂離未定瞻烏止  
盜賊皆思逐鹿爭赤伏符終歸漢主白駒場枉闢周京

士議  
號大

祇餘不肯生降處猶似田橫氣未平

題忠節金正希先生遺像爲其族孫素中太守作

昔從燈窗讀公文浩氣上薄秋空雲今從畫卷見公像  
我冠濶袖書生樣書生何意好論兵正值時危國步傾  
陳壽斜痛戰車覆高勾驪輟使節行投効歸來退閒久  
南渡孱王又出走故國招魂史憲之新朝易帥洪亭

九黃山白嶽集鄉兵一彈丸地爲誰守包疋疽竟願裏

瘡毛葫蘆皆甘碎首

見金元二史皆  
鄉兵起義者

已聯衆志結成城不藉

印囊懸在肘明知一旅事何成猶欲挽天憑隻手虬蟬

蟻子絕援師糠覈草根充宿糗五坡嶺遂執文山生祭

無煩炎午酒事隔滄桑百六年重蒙昭代易名傳狄

家能保梁公像尤見清門有後賢

杜門

趙州八十方行脚  
愧我年來久杜門  
不但近遊都懶廢  
尻輿神馬亦還轅

紙上空談恐未真  
氣矜動說易捐身  
有衣有食無官職  
我最人間怕死人

卽景

綠樹陰濃夏正長  
清和好景滿江鄉  
久晴麥喜滋微雨  
未暑人先愛淺涼  
梅子望來能止渴  
蘭花坐久不聞香  
眼前何一非新意  
都入先生古錦囊

論詩

宋調唐音百戰場紛紛脣舌互雌黃此於世道何關繫  
竟似儒家闢老莊

麥大熟

麥稔今年最香雲萬頃黃共驚盈尺穗已抵半年糧市  
餅邊增潤屋禾價減昂瑩中誇飽食竟欲傲朝堂

禪心

禪心那復說相思瞥起前塵尚作癡最是五更殘夢醒  
滿天風露峭涼時

坐月

溽暑今年減空庭遲月暉倦常慵舉扇涼轉欲添衣螢  
照疑陰火蚊來觸殺機閒中作危語詩思入清微

麥羊

麥濕則生黑蟲如蟻俗呼麥羊子只向北不向南蓋陰類也

麥蛾向火附麥羊向暗趨托胎同所出其性乃各殊豈  
惟性各殊飛走更異軀問胡化者機巧若分金爐麥本  
備四氣秋種夏始枯氣既兼寒煥性遂岐根株譬如一  
父母男女共此模得陰則巾幗得陽則眉鬢始知造化  
理變幻何事無書生坐燈窗塵眼徒區區

兒童敲背

兒童娛我度良宵如蕨拳輕把背敲一个西瓜分八片  
阿翁大費爲酬勞

望雨

六月恒暘已早乾腐儒生事怕貧難也如閣閣蝦蟆叫



半爲私憂半爲官

建蘭

何物能消暑盆花發建蘭品如人雅淡香在戶開關酒  
肉嫌脛氣庭階覺改觀素心原臭味長此結清歡

盆蘭大開適近余臥榻戲作

鬢斗齊開十箭鮮紗廚恰伴我孤眠五更忽作風流夢  
何處蘭芬到枕邊

村居詩

詩苦無題下筆難惟因水旱記喧寒齊民要術何須問  
便當農家月令看

憂旱

纔欣麥熟遍江鄉旱象俄憂早晚涼萬里無雲天正碧  
四旬不雨稻將黃桔槔河縮增梯級簞笠風乾掛屋梁  
只有盆荷需水少曉來依舊發清香

哭王述菴侍郎

前年遇公劔池石正值懸弧慶八秩喜公夙具壽者相  
鵲骨距願長一尺方冀泛舟結近遊豈期哭寢成長別  
憶昔同官京國時僦舍寄園各半宅

余與公同僦趙天羽給諫寄園舊宅

聯吟

聲每應隔牆照讀光常分鑿壁醉書不惜墨濡頭白戰  
互以筆爲舌蒲褐山房

公齋名

綠樹陰中有兩人屐齒迹無

端湏傲有兵事共作征南幕下客晨炊苗米

苗米見宋史理宗紀

浙

矛頭夜草軍書磨盾鼻書生履險雖臨危好友偕遊亦

酣適我旋按部粵江清公又從戎蜀山僻矢石叢中過  
六年身最艱劬名最赫下臨絕壑萬丈深上劈危磻一  
線窄馬蹄雪踏人頭紅鹿角砦浮燐火碧鬼門關上幾  
度經僥倖孱軀脫死籍遂佐犁庭掃穴功豹子羆孫盡  
俘獲秦凱歸來大策勲屢擢崇班到槐棘是時我久臥  
菰蒲公亦繼歸勤著述立功纔了又立言壇坫東南來  
佔席春江花月常往還邂逅一尊話疇昔江天落落幾  
作家袁蔣王錢皆巨擘同是千秋有數人缺一可憐難  
再得十餘年乃盡凋謝剩我與公兩頭白晨星碩果倍  
覺珍百里相望雙突兀殘年有伴差自壯相倚爲強作  
耆碩何當公又騎箕去天不慙遺催召亟後生雄駿豈

不多非我素交終膜隔宵來或可通夢覓月落猶疑照  
顏色從此人間無故人獨立蒼茫悲影隻

盆荷一朶稍矮恰有綠葉障之戲作

荷花開亦怕炎光低就擎空翠葉藏恰似佳人障紈扇  
紅顏斜倚綠陰涼

驟雨

驟雨不成寸狂飈又掃空未蠲消渴病差有解煩功  
隱暫停癢眼昏忽豁蒙那堪簷溜乍復見晚霞紅

逃荒

淮揚漸欲作洪流眼見饑荒起衆咻被髮纓冠非我輩  
舐糠及米亦吾憂無依競托沿門鉢有力將移負壑丘

傀儡偏供戲酒筵但憑手撥不絲牽白題胡舞斜防跌  
黃胖春遊醉欲顛宛轉隨人終自立周旋伴客不安眠  
紙糊閣老休相擬偏強身還傲氣命不倒翁黃胖遊春竟對  
不得明日得胡舞白題斜  
不禁狂喜遂  
湊成一聯

咏物四題又五律四首

出水亭亭立形容老更奇高同三友品

梅松

艷改六郎姿

蓮步寧初學荷衣本舊披得邀君子愛儕輩故難隨

強合飛潛性能令臭腐神姓丁非故我去乙是前身不

藉胎生幻居然羽化真出波纔幾日便欲唳青旻

佳人執箕帚勝挽魯陽戈豈比曝巫女

檀弓

真成乾嬀婆

舊唐書  
僖宗紀

掃寧先灑水步亦戒凌波何用紫姑卜明朝霽景

多

但稍煩人力發盤便有神場中胡旋舞陌上踏搖身糊  
紙顏何厚封泥足未伸掉頭渾不止絕似醉吟人

又鰲鶴一首

海濶天空境升沉條兩分腥聞雖鮑肆骨鯁肯雞羣似  
蛻蟬餐露非池鯉躍雲漫疑鳶跼水浪泊去求熏

年來市間飯盃漸小蓋窯戶工料增貴暗爲收減  
也感賦

資盃新傳縮地方午餐計數似勝常不知腹尺還依舊  
只誑咽喉不誑腸

泥胚默減世誰知食量殘年本暗虧似爲廉頗誇健飯

對人只說似平時

秘方妙以縮爲盈頓使加餐浪得名始悟軍前增龜法  
老夫又欲去談兵

自因範土費增加埏埴雖工器漸差此事隱憂殊不細  
五材長價到泥沙

兩望

一兩人心定霖甘不厭多遠難辨牛馬沛若決江河已  
通高低地寧分早晚禾天財千百萬盡散作恩波

無詩

風行水上自生波偶值無風可奈何今日不知明日句  
枯腸偏要預支多

消閒惟有擘吟箋頗覺衰年尚湧泉纔說江淹才思盡  
朝來又得兩三篇

遣愁

殘燭風前剩半枝及時行樂尚嫌遲長星勸汝一杯酒  
青鏡任他雙髻絲白傅徵歌親教曲右軍分禰老舍館  
古人未必無先見漏盡鐘鳴最可思

七夕

纖纖新月晚粧催烏鵲填橋又一回天上定知無贅婿  
年年織女渡河來

讀史

姓名愁不掛青編及掛青編也未傳君看一朝國史上



幾人烜赫百千年

一蚊避撲逃入耳中戲作

正飲治聲社酒杯一蚊忽入耳宮來虛名未有驚人處  
翻自驚他貫耳雷蚊雷

懷清橋

夫婦同堅殉國心不曾聞訃已淵沉挽詩難用香奩體  
冤魄猶留血影砧江上有甕應遠慰人間無路可哀吟  
可憐一片秦淮水嗚咽寒流直至今

題甌北詩鈔

顧日新

神驚鬼泣天公笑都到先生下筆時八面難當才子  
氣千秋不朽翰林詩奇懷應手冰雷造成案翻空鐵

石移那怪羣兒爭撼樹蚍蜉原未許輕知

真逸豈知皇甫湜庭筠曾法玉溪生一時未必皆千古新曲應能勝舊聲孝子南陔還著作詩人東壁更科名渡河香象方才力心服隨園四字評

桂孫南回籠一馴鵲朝出暮歸驅之不去乃知物生得食皆可馴也感賦

野鵲本難養端資馴習功投來如入幕放去又歸籠似作雕陵宅寧巢太極宮搆非占太歲立豈順東風不繞枝三匝如懸磬四空也無檄纒繫詎剪羽毛豐自作依人計常懷戀主忠近應便報喜窄或怕圍攻幸脫填橋役惟防探轂凶九霄常翮歟七夕免頭童不出綺疏外

如矜寶網中宿隨梁上燕出豈海邊鴻似幸身依廡非  
關地避弓不憂鳩奪室一似雀驅叢豈忘飛騰快終貪  
飲啄充但逢新主好卽棄故巢情跡豈疆疆逐聲還惜  
惜雄周旋成熟客戲弄到頑僮物性原無定人心有可  
通參龍曾世職騎虎亦人工馱舌能言鳥馬蹄學舞驄  
由來皆有欲鵬鷁一般同

### 逃荒嘆

下河流民如飛蝗過江陣陣來逃荒此荒不是天降罰  
請爲澤國縷述詳淮黃交滙濟漕運關鍵專在楊家莊  
上游洪湖潯淮水向藉淮清刷濁黃黃之尾閭不暢泄  
雲梯關海口乃反倒灌湖中央湖積河沙漸淤淺豈能兼受二

水強高堰長堤懼漲裂舊有石壩救急方何當五壩悉

放溜保隄弗顧民命傷下游雖有汜光及鬻社高寶二建湖名

瓴勢下何能當稽天浴日湧白浪南關車邏盡潰防二壩

即洩湖水入下河處遂令下河十州縣泰州東臺海城阜寧興化等縣尺田寸宅皆重洋

災民即在此中住大半已葬魚腹僵倖得脫者始到此

焦皮裹骨頰尾魴其來漸多膽漸壯十百結隊擔糶筐

先瞰高閤金屈戍次及市闌木倉琅就中豈無良家子

亦復相逐為披猖索米不勞書帖乞求錢似責左券償

居人被擾竟罷市大街可射箭穿楊有司不敢下令逐

稍給資斧遣出疆問官使我何處去紇千山雀空迴翔

我聞青州富彥國流民來輒大發倉兼行勸分各出粟

五十萬命盡起殭嗚呼此事難再見徒誇鄰壑策較長  
雖然此事卽再見亦只可暫不可常青州賑荒數月耳  
明年麥熟各返鄉下河今無鄉可返陸沉家已入混茫  
明年高堰恐復瀉萬手莫障狂瀾狂他鄉故鄉總無路  
惟有待斃祈早亡河干露坐默無語岸土盡濕涕泗滂  
活移屍  
搗筐曳棒鎮相隨人腊紛紛滿路岐殘喘暫延終作草  
可憐道上總行屍

押蝗回歌

宋人小說米芾知某縣其鄰縣有蝗起縣令諉  
爲芾所驅來芾判其牘曰蝗蟲生本是天災人

國朝集  
卷四  
力如何可挽回做縣若能驅使去卽煩貴縣押  
回來調語可發一笑今下河逃荒之民不減飛  
蝗地方官具舟給錢押送出疆謂可以鄰爲壑  
矣而下游諸縣亦不許入境仍押送回此真所  
謂押蝗回也爰爲作歌

人如蝗陣陣來人蝗不比天蝗災索錢乞米聲喧庭大  
家小戶門不開有司欲以鄰爲壑具舟押送向前推謂  
可拔眼中釘息耳邊雷豈知前途善用倒戈法出爾返  
爾何難哉舟纔出疆有攔截明朝仍泊城牆限人之蝗  
良可哀朝東暮西將安歸米芾押蝗祇調語如今真見  
押蝗回

題方慕雲小照

手板拋來爲老親慕雲今作養雲人回思案牘勞形日  
那得如今自在身

白露節連日陰雨

處暑要雨白露晴老農之言歷可徵胡爲今年天反是  
或因二麥先豐登暗從秋收減分數盈虛消息相除乘  
是乃愚弄狙公術朝四暮三喜變憎庸知吳民蓋藏少  
麥禾俱稔猶難勝萬寶將成偶一歉終歲飽暖其何能  
試觀下河逃荒者此離奚啻乞食僧還藉吾鄉有餽粥  
得沾餘潤分龠升吾鄉倘亦遇災歉更從何處求哀矜  
杞憂輾轉不成寐殘更剔盡寒窗燈

八月二日天寧寺旁吳宮樓火

內有四楠木柱皆萬年物亦焚最可惜

常州城外古吳宮宮樓巋過佛殿崇殿高九丈樓十丈忽然火光照城中是時八月旁死魄麗譙更鼓纔寥寥乍驚朝暘何太早又疑晚霞豈在東趨觀乃知此樓燬刹竿突兀招祝融籊籊片火倏透頂卻又倒熱重簷重遂成洪爐黼熾炭躍冶靡不歸銷鎔千層瓴甕落遍地萬株構櫨飛滿室家家煖思涼露坐處處熱逼熏籠烘地高燄烈遠有耀十里以內皆鮮紅四十三龍救不得救火具名水龍城內外四十三龍齊到掣水五丈力已窮下方猶疑照天燭其勢竟欲燒蒼穹幸而直上不旁及招提得保五百弓不然諸佛衆菩薩頭焦額爛迷何從樓鐘大於五石瓠火



中色似赤堊銅拉然一墮成死鐵啞無聲不震耳聾最  
可惜者四楠柱被焚香滃毘嵐風火五十圍長百尺何  
論漢栢秦時松此是盤古以前樹生於混沌長洪濛當  
年永樂神木厥得一已誇神運功海幢寺中亦一榦廣  
海幢寺亦有一柯最鉅獨木難以作棟隆可知奇材世所罕章亥亦  
恐尋無踪擎天拄地乃有四薄海內外何由逢茲寶吾  
鄉一大寶虞珔夏璜價敢同層樓一炬細事耳豈知中  
有太古桐萬千年物一朝燼想是劫數應告終長成何  
艱摧何易使我憑弔心忡忡

題緘齋姪撫松遺照

中歲歸田髻未絲作圖已近八旬時計年我尚應兄事

持論君能辨叔癡恭謹家風無侈口敦龐福相有豐頤  
撫松畧彷彿柴桑意只少王宏酒一卮

余與族孫奕之比鄰其家高梧陰及我屋戲贈

與君雖近一牆連梧陰如何到這邊我欲控官清界址  
縱非佔地亦偷天

落落高梧百尺柯旁枝也便出牆過何曾有聚供鄰撲  
但覺吹來落葉多

吳門范洽園編修

來宗

爲余作八十壽詩君今歲

亦稱七十之觴謹賦三律酬賀

白首相望兩日程今年同舉壽筵觥古稀對我猶稱弟  
老學如君孰敢兄鎖闥摘毫慙接武

君館選余已出京

銀餅索酒

未通名

前歲公等謫王述菴於懷杜閣下余爲不速之客

江天落落日星象一似長庚

一啓明

曾過天平萬笏山

范文正公墓

故知代有濟時艱義田已自增

千畝

公增義莊千畝

廣厦猶思庇萬間壇坫名高輕仕宦江湖身

遠念痾瘼

江北水災君詩屢及之

九重方啓天章閣會見蒲輪促

召還

同此懸弧邈舉觴瑤函先枉祝釐章千秋豈論科前後  
兩敵終分力弱強暮景飛騰君尚壯阿婆塗抹我徒傷  
香山倘許聯吟社徑欲相從履道坊

錢竹初輓詩

西河哭子甫經年豈意衰翁又逝川食不老餐偏暴下

功深禪坐竟長眠

君常清靜坐禪忽以腹疾終

一區邱壑憑誰賞廿卷詩

文尚未鐫差幸桂花香正滿送君一路去昇天

看君出仕看君還薄有田園可養閒身後名猶他日待  
生前業已近年艱腰圍月減頻量帶目疾宵昏只掩關  
如此清修亦何咎不教年到三期班

### 靜觀

人事紛紛百戲場閒中淨眼覽蒼茫狂風難起潑潭浪  
暗日終勝皎月光時際昌期公道在運當劫數詐謀強  
鴻泥多少興衰迹留與人閒話海棠

意氣依然翫曉曠不知時已近黃昏欲呼僮僕忘名姓  
偶記詩文誤宋元和仲清尊三葉醉鄂君繡被半牀溫

只餘愛惜精神處或有嬰兒出面門

見放翁詩

曾幾何時竟髡髻爪痕歷歷雪鴻過詩篇已唱秋墳鬼  
富貴空誇春夢婆感舊只憐同輩少爭名一任後生多  
千秋會有公評在古井何勞自起波

### 破船

始識衰年似破船東瑕西罅怕風穿江湖縱有揚帆便  
敢復輕嘗不測淵

### 菊飲同人小集

離葩紅紫正敷榮近局相招小合并不暖不寒天九月  
有花有酒夜三更清談弗禁藏闔戲白戰猶能擊鉢成  
此是暮年消受處可知無意獵時名

耳聾

與其聾也不如聾聾亦難堪竅不通函谷封泥扇辟窳  
空坑投石響鏗礮移牀近客惟催茗落葉呼童屢問風  
作阿家翁將廿載何須社酒更祈聰

十月二十二日爲余八十懸弧之辰前一日兒輩  
爲余演劇煖壽是時正白菜上市老夫方謀旨  
蓄禦冬督奴婢醃菜書此一笑

鄉風煖壽本無稽兒輩尋歡欲借題珠翠滿堂簫鼓沸  
先生正製菜根齋

夢張瘦銅

故人入夢不分明重感聯牀聽雨聲塵尾擲來毛落飯

預頭擣處慘添羹別離日久何無語貧賤交深尚有情  
今夕重逢仍恖恍醒來翻使淚交橫

虛名

中年雖已早歸耕猶忝騷壇海內名甘榜翰林皆後輩  
當朝宰相是門生爲滿餘光沾溉身何與老物推排勢已  
成看到繁花開落處曠懷久已薄時榮

兒輩既爲余暖壽遂演劇連三日卽事志感

今朝兒輩大合樂食我八十懸弧辰兒童歡笑婦女喜  
爲有饌段百戲陳瓊筵排日列樽俎先讌官長次縉紳  
下逮里鄰衆交舊敢以韋布嫌非倫居然歡場大富貴  
滿堂羅綺爭鮮新豈知儒家作豪舉半出假貸東西鄰

屏風借得錦步幃地衣賃來紫茸茵濁醪恐露牆過酒  
精饌謬謂蠟代薪終非出諸宮中物捉襟輒復肘見痕  
東堂合射本不易見晉書劉毅傳乃妄欲以富飾貧腐儒積貲有  
幾許幸獲溫飽已哿人譬如奔馬宜稍勒勿使力盡蹶  
絕塵胡爲拚竭數年蓄博此數日快意晨獨不見陽陶  
轉喉肖歌哭幘綽弄舌假笑嚙擎掌臨風胡旋舞反腰  
貼地倒刺身正當歡娛忘夜永恨不窟室酣連旬紅袍  
一出戲鼓歇霎時過眼如廳輪吳歌楚舞復何在依然  
篝燈一穗寒相親

安老

敢以中乾飾外強頽唐漸少興飛揚詩篇腐有時文氣



塵念昏無醒酒湯退院蛾眉皆嚼蠟殘編雞肋尚搬薑  
似知宿世原詞客又爲他生積學忙

長孫媳查氏癆病甚劇勢將不起悼之

正值重闈慶難持介壽觴月當旁死魄人進獨參湯稚

子纔離乳

曾慶儀四歲

兒夫幸返鄉

公桂六月  
中歸里

料無偕老口或待

贈鸞章

公桂官縣丞  
氏例封孀人

查氏病歿

于歸六載慣釵荆恰稱儒門氣味清但問舉家于食指  
不曾聽過勃谿聲

病入膏肓可奈何自知不起嘆沉疴可憐爲我稱觴慶

忍死延挨半月多

余生辰十月廿二日民  
以十一月十五日歿

經年牀第一燈青痛楚聲無一刻停聽到自家祈死切  
教人不忍進參苓

老人星正映祥暉樂極生悲事可知家慶正當圓滿候  
月痕先兆一分虧

有暇

有暇誰曾覺無成始自驚身團磨牛跡書亦野狐精濟  
物終虛願稱詩浪得名不官仍不學可惜此聰明

獨夜

麗譙柳鼓打三更露冷天高夜氣清缺月半規藏有魄  
繁星萬點沸無聲壯心久罷聞雞舞生事惟催叱犢耕  
嘹亮誰家長笛起似教成我倚樓名

題鶴歸來戲本

前助大學士罷式精留守桂林城破殉難族孫頌作此以傳

化鶴歸從瘴海濱興亡如夢愴前塵河山戰敗無殘壘

文武逃空剩隻身青史一編留押卷

明史以公爲列傳終卷

朱衣雙

引去成神

公死後爲蘇州城隍神見錢遵王詩註

覆巢之下猶完卵想見

興朝祝網仁

公在桂林拒戰時江南久入我朝其家在常熟者屬俱無恙足見是時法網之疎闊

江陵孫子亦英雄來共殘棋一局終不死則降無兩法

倡予和汝有雙忠青山何處呼臯復白首同歸作鬼雄

楊震自能招大鳥豈須鍛羽比遼東

張居正曾孫同敵與公同被執幽之民舍兩人日賦

詩偈和四十餘日同就戮

風洞山前土尚香

二公就戮處

從容就義耿剛腸久鍊白刃爲

歸路肯乞黃冠返故鄉宗澤心期河速渡福興身殉國

垂亡宗漢繫守汴完顏福易名真荷

如天度偏爲殷頑特表彰高宗純皇帝表彰明末忠臣特賜於蘇忠宣

費筠浦相公遠寄海虎珍裘值冬暖幾至關東戲

題四絕裘出塞北俄羅斯國色黑而毛密中土人名之曰海虎彼國不知何名也

故人念我冷探梅遠贈烏茸妙剪裁可惜溫溫無所試

寄裘不帶雪霜來

漠北牲牯厚氈多偏逢冬暖氣暄和回想塞外曾從獵

僅借微溫兩橐駝臥兩橐駝於地身處其中可終夕不冷見元史博爾宋傳

鄒律曾回黍谷暄區區軟氈豈同論相公自有調元手

裘到江南候早溫

擬誇鄉里小兒曹銜耀州來泰復墮天不許更寒乞相

不如還贈舊綈袍

夜醒作

寒戀重衾夜漏長半醒半寐境悠揚燈光照夢屏燃渚  
爐沸驚魂蟻撼牀事端五更真蛸集書迫三篋已羊亡  
朦朧曉景渾如昨七十年前上學堂

僧了凡衣狐裘大有衒耀寒儒之意詩以調之

狐白袈娑課梵音漫驕儒者捉寒襟孔夫子面無金剝  
不比瞿曇滿面金

七條衣上帶餘羶毳毳煌煌氣色鮮口不茹葷身不素  
佛門何處野狐禪

俊兒猗猗頗嘉余以其有脾泄病催令服藥

子舍能供酒饌精乃翁却勸藥爐烹一甘一苦雖殊味  
總是人間父子情

臘月十九日雪

冬暖憂無雪俄驚遍地鋪瓦溝填欲滿簷溜滴逾粗潔  
比餛飩粉光搖鬱蠱符年豐又先兆安穩飲屠酥

除夕戲作

巽宮樓晉天福中所建至今將千年忽燬於火  
余年衰老世頗以魯靈光目之得非余玉樓赴  
召之兆耶今已歲除居然無恙旣得免於懷崩  
僑厯竊又自疑人微樓古恐不足應此劫灰則  
又將貽笑於求死不得也

巽宮樓于我千何事只因人皆推我魯靈光便覺古物  
有關繫此樓已歷宋元明我不三老亦五更儒冠梵剎  
兩高壽相與似有瓜葛情傑構一朝燬得非應在耆年  
英巫陽雖未召祝融先催行嚇得呂碧爐底伏深恐遭  
劫當遐征不免預治狸首棺馬鬣塋顧視日景節巾待  
知是先甲是後庚無何歲酒飲過最後觥仍無笙鶴來  
相迎乃知樓自樓我自我不得牽連一場火戴逵何與  
少微星枉自驚惶抱頭躲且勿慕虛名聊幸留此生丈  
夫不朽自有在豈必攀附古蹟垂徽聲君不見宏景層  
樓高可眺予瞻黃樓遠有耀至今樓圯名自傳何至求  
死不得被人笑

久不着韉元旦須望闕行禮而韉底霧黑以粉塗之戲作

粉應傅面美容華何事朝韉底亦搽塗抹鉛華到雙腳

先生母乃太驕奢

正字通無搽字然東坡云有幾個搽粉的真候則此字可補入詩韻



甌北集卷四十九

丁卯

陽湖

趙翼

雲松

丁卯元日

朝衣北望拜天閭剛卯真符景運長幸忝增年開大秩

曾初赴舉試三場

乾隆丁卯余初赴江寧鄉試

綠痕上柳猶無色紅意催

梅漸有香預卜秋成仍大稔立春纔屆正農祥

陽年小除前一日立春

春興

葛仙橋畔出迎諳兒女青紅又一時賭酒難勝長夜酒  
看詩漸愛老人詩湖山興發無同伴花柳春來有定期  
自笑童心除未盡拔河拋堞尚能嬉

朱石君相公輓詩

調元正仰贊休明 席俄驚喪老成生爲甘盤尊舊學  
死同君實易嘉名 昔爲今上師 傳歿後賜諡文正 昇平相業無奇績典雅  
文風有主盟餘事何妨證仙佛旁通原不損賢聲

謨覽二孫俱就塾識字喜賦

又見童孫兩相攜就塾師文須先識字 暴 老正藉含飴  
莫悞陳山可休訛杜十姨方名雖小學九似此初基

筠浦策拜體仁閣大學士喜賦

中外宣猷宿望深欣聞策拜冠朝簪九天默運爲霖手  
四海皆知似水心泰宇澄清調玉燭薰風解阜和瑤琴  
早聞絳闕宜麻日朝野同聲慰滿襟

臺省何人不駿雄獨邀

帝鑒亮天工最高班位天常近未老精神日正中旋馬  
并無廳治事公尚儼星作卿舍圖麟應有閣銘功江鄉野老分榮  
甚座下門生作相公

題石蕖塘明府小照

先生自署蕖塘號恰宦蓉湖起政聲千柄荷花千頃水  
正堪寫出長官清

有人相伴木蘭舟偶適閒情托冶遊不比水嬉狂杜牧  
盡招衆美作風流

名士從來韻事多何嫌紅粉映清波香山昔守蘇州日

曾擁娉婷十翠娥

見長慶集

循聲惠績播江天撫字心勞已歷年只恐御屏遷秩

早不教長泛採蓮船

西干故里

門巷依然淥水濱  
釣遊陳跡黯傷神  
我來便是遼東鶴  
盡日曾無舊識人

論詩

結習耽吟老未忘  
尚隨年少角詞場  
只愁後世無新意  
不敢多搜錦繡腸

無聊

閒翻史傳遣無聊  
慙慙奸賢見累朝  
看到檜蒿心不憤  
始知壯氣已全消

題葉保堂秀才補刻徐霞客遊記

豎亥步紘埏若士遊汗漫尻車神爲馬古語本荒幻霞  
客乃好奇足踏天下半肩荷一襪被手挾一油轍南狎  
橫海鯨北追出塞鴈水愕險灘千陸跋危巘萬曉寒風  
裂膚暑雨泥沒胛渴掬懸瀑流飢拾墮樵累身衝魑魅  
過禱不豺虎憚非奔走衣食非馳驅仕宦問渠意何爲  
曰欲窮壯觀將成一家言親歷異遙盼註證躋彙精經  
訂岳瀆誕以俟後子雲南針指一綫果有葉保堂曠世  
起驚嘆購得舊板完兼搜逸篇散方輿燦列眉一一可  
覆按惜哉醫巫閭作者未識面西土梁雍州亦未度雲  
棧遼左及隴蜀  
遊跡未到想當明末造震客之遊  
在崇禎中遼瀋界久判陝蜀莽盜  
區更難結鞅絆今幸世昇平萬里景清晏保堂興旣豪

意氣薄霄漢曷弗繼遐踪探奇盡禹甸歸補圖經全供  
我臥遊徧

報施

報施有定理靜驗殊不然但見天養人不聞人養天

喜同年崔曼亭觀察歸賦贈

蘭譜交遊恨各天白頭喜見老同年去官未免思祠祿

健飯猶堪作地仙炊白夢雖粧閣冷勢過庭人早御

御屏遷

公子景儀由  
翰林出守

何期一榜都凋謝獨剩吾曹耐久緣

同鄉舉消暑會余以齒序屢叨首座戲簡諸公

冰厨消暑彷彿南皮首座班尊絕等夷我欲讓人人不肯  
爲嫌漸近百年期

題朱金山補讀書圖

一笑先生願太賒欲從學海涉無涯由來結習耽書味  
大似劉邕癖嗜痴

讀嗜讀律兩難兼語出東坡恐未然蓮幕有人勞案牘  
得閒又去理陳編

君方在陽  
邑幕中

余不喜茹素自六歲隨先君子書館卽無日不肉  
然每食不過二兩今年八十餘約計已三千三  
四百觔自惟庸姿薄植毫無益於世而享此口  
福良可愧也

勵志雖甘咬菜根未嘗一日不羶葷有何功德施人世  
食肉三千四百斤

正屈插秧經旬無雨夜寐忽聞淅瀝聲以爲甘澍也起覩仍月色滿庭感賦

四更聞淅瀝夢醒適然驚百物有生意多時無此聲豈知膚寸合仍是耳勞鳴急起開窗看依然皎月明

修行

梓潼慣作士夫身愧我修行未必真若果輪回有來世也知不過一通人

題曼亭同年望岫息心圖

看花上苑記前因一別俄驚四十春虧我癡頑能久耐待君歸作兩閒人

如此林巒合有廬問君何日構園居莫徒邱壑胸中置



虛負生平謝幼興

一榜當時最少年披圖亦已髭蒼然悟他童耄觀河喻  
得不追歡裂老顛

憂旱

夏至年年插時齊今交小暑未翻犁換標日日糧加級  
築壩層層水上梯但見過河枯鮒泣不聞呼雨野鳩號  
老夫敢爲蒼生哭自起看雲獨杖藜

歔陽焦灼到蒿萊千里憂惶歎旱災打魃直思開野塚  
曝巫寧惜築高臺涼風爽捲雲頭散乾電晴驅雨脚回

降割自關千萬命可憐賢守獨祈哀

邵守蔣霽年  
求雨甚虔

齋被雪壇禱百方吁嗟聲更遍江鄉幾疑天聽全無耳

其奈人飢各有腸起伏龍仍潭底睡斷屠豬已柵邊藏  
生機須待明年麥若不能支一歲長

不知江國果何憊深到漕渠也斷泉思曼船真牽岸住  
祖生楫敢渡河鞭思雖出位緣憂國力不從心欲挽天  
嘆我還鄉三遇旱不曾太甚似今年

乾隆四十年乙未五十年  
乙巳今嘉慶十二年丁卯

皆遇旱

蚊有不鳴者蓋鳴者雄不鳴者雌也戲書

白鳥營營聚成陣響或如雷滿堂震豈知中有不鳴者  
猝不及防巧伺釁向來只解聞聲撲無聲可聞便不覺  
一朝撲得不鳴蚊翹肖中有此陰惡想當化機亭毒時  
二氣已自潛分滋一般形模兩般性有聲者雄無聲雌

眼前習見孰留意靜觀乃識同中異由來無物無陰陽  
此亦格物中一事卻笑讀書八十年格物僅在一蟲細  
夜起占星

月離于畢雨應來翹首占星望眼開天要殺人何與我  
乃勞夜起兩三回

贈朱虛舟藩伯

起家丞簿立軍功廿載官 二品崇結寨盡擒張莽蕩  
見宋史  
趙鼎傳登壇直賽李橫衝九霄俯視風皆下五十勤宣日  
正中開濟豈徒膺節鉞會看冊拜黑頭公

佳句

古來佳句本無多苦恨前人已說過今日或猶殘瀋在

不知千載更如何

喜雨

忽聞簷溜夢初回  
前陣纔過後陣催  
絕似薛陽陶度曲  
聲聲鑽入耳根來

小暑栽秧已過時  
半收穎粟尙堪期  
標梅處女雖遲嫁  
猶望蘭湯老洗兒

六月十三日大雨三四寸旱田皆可補插秧苗喜

賦

五日喧競渡城河  
灘已露時方屆插  
秧謂當有甘澍孰  
知期竟愆赤裂江  
鄉田不雨四十日  
土燥成石堅有犁  
翻不得閒煞老烏  
犍塘灤本無蓄溪  
港亦涓涓只有運

河猶未涸強有力者搶耕作萬條桔槔如渴龍一吸亦  
將罄杯杓何況高原距水遙眼看龜坼地不毛官爲斷  
屠民折柳一步一拜敢憚勞呼天禱地仍不應束手相  
視惟哀號豈知天無絕人路六月十三雨大注曉聞颯  
杏驚夢同起看簷溜粗於柱恨不將髮續雨絲惟恐中  
斷戛然住綿延乃竟二十刻仰視彌空黑如霧晚來解  
澤更淋漓餘勇可賈尚鬱怒從此家家補蒔秧再過數  
日已無措頃刻簞笠紛四郊方罽布肘弓彎腰急趁田  
水滿寧暇筋力懶雷轟耳不聞蟲嗜膚不管有贗其饒  
攜管筐肉必大盤酒大盃傭奴佃客當饗賓日暮醉紅  
齊上臉可憐豐膏頓殊施昨尚憂荒夫豈敢老夫亦復

度量增向來寒儉今痛懲爨婦柴勿論斤兩養子米豈  
計餉升譬如旱成子遺盡食雖有粟吾其能

小北門城下看荷花

柳陰深罨北城隈正值芙蓉百本開難得有風無日處  
相攜臨水看花來老懷豈尚貪紅艷逸興兼思泛綠洄  
帶得餘香晚歸去月明更醉碧甯杯

望雨

經旬膜又望甘霖孤館無眠到夜深但藉電光行暗室  
翻憑雷響當楚音書生憂國原非分野老祈年共此心  
欲聽雨聲無點滴高荷柱自列空庭

舟行忽得順風戲作短歌

雙槽停片帆掛一郵亭又一郵亭欲記行程不及寫千  
里江陵一日還始信青蓮語非假知章騎馬似乘船我  
今乘船似奔馬

虛舟藩伯以余宵不能寐蓋心血枯也贈我烏斯  
藏紅花謂可療此疾半月以來服之果有效賦

謝

梯土曾傳篤耨香靈葩來亦自西羌恰如攜贈邯鄲枕  
竟得安眠瑋瑁牀未熄篝燈先夢到不聞街鼓任宵長  
尙嫌未茁心花燦只抵希夷一睡方

余以乾隆丁卯初赴江寧鄉試今嘉慶丁卯又屆  
鄉試之期六十年間有如昨日而余已老而憊

矣感賦

當年赴舉秣陵關  
歷歷前遊指一彈  
乍見江山胸頓豁  
未經場屋目無難  
川原如舊人將老  
文字求名興已闌  
一笑昔時辛苦地  
而今袖手作旁觀

喜雨

膏雨來何暮  
民情望欲窮  
苗枯猶待救  
河斷漸能通  
破夢驚簷溜  
開屠沸市訶  
可憐農已憊  
力盡桔槔中  
潤難期沃若  
曠暫解焚如  
田吠猶無蛤  
廚烹漸有魚  
頗聞官糶賤  
敢望佃租輸  
胼胝民勞久  
聊堪歇踏車

題孫子瀟翰林詩冊

世間詩思已說盡  
豈知尚有未開徑  
子瀟太史太好奇



要與千古人爭勝康莊大道嫌共趨別鑿凶門誇力勁  
睡餘牙後盡掃空一縷心香獨盤硬遂令維摩十笏中  
五百由旬不能竟檀溪奮躍三丈濶邛坂叱登九折賃  
始知蝸角有戰場伏尸百萬地猶剩古聞縮地壺公壺  
今乃闢塗禁坑禁貽我天真閣一編不知幾費椎斧柄  
海內詩人應第一嘔出心肝不辭病卻笑名場值幾何  
乃爲求工欲拚命

閱三國志蜀向朗仕諸葛丞相長史免官後優游  
無事垂三十年潛心典籍年踰八十猶手自校  
刊開門接賓誘納後進但講古義不干時事人  
皆重之余出處踪跡頗似之所不及者官職聲

名耳昔東坡慕香山謂生平似其爲人故詩中  
屢及之然晚途尚有不同者不如余之與巨  
無一不相肖也爰作詩以誌景附之意

望古尋同伴私心孰比倫子雲期後世向朗是前身時  
已千年隔踪如一轍循葫蘆依樣畫尚恐未傳真

哭沈旣堂前輩

哭盡知交剩此人那堪今又萎窮塵廿年回首過從  
兩地關心老病身擘紙分題曾對敵典衣治具記留賓  
綠楊城外紅橋路一度追思一愴神

一江之隔水盈盈書問雖疎意自傾先我三科應論輩

詞林論前後輩公  
折輩行與余交契

長公六歲敢稱兄磨牛踪跡人皆老親狗

文章世已輕吳寢蒼茫何限感到頭誰駐蓋棺名

題趙鑑堂觀察小照

九峯三泖不能留管領江山到潤州

君從松江守擢常鎮道此  
冊多松江士民送行作

別後吳淞人尚戀况教身被洛陽裘

自香山詩我有大裘長  
葛久一時都蓋洛陽城

鐵面威名鎮百城吾家故事長官清使君并不攜琴鶴  
只聽松濤謾謾聲

荒景

天將降割此方民災沴連番過十旬

夏至後無雨白露  
中又毒霧連日

無米

可炊徒巧婦有墻能乞卽良人煮來菜甲連黃葉剝盡  
榆皮剥赤身待到明年新麥熟不知幾不得嘗新

卽事

自是陰陽有伏愆愚民只慣恃天憐年年豐稔何曾感  
一到災荒便怨天

張甥聖時宦新疆之奇台尉三年俸滿謝事告歸

喜而有作

玉門關外渺音塵宦遠難期笑語親豈意八旬垂老日  
猶看萬里遠歸人三間馬磨欣新築百結鶉衣記舊貧  
重話少年孤露處喜心翻到淚沾巾

徵郵程萬二千路遙職更重安邊身經戍尉屯田地  
時正丁零款塞年疏勒泉清禾滿野祁連山迤邐天  
因君話到殊方景我又雄心欲着鞭

少年艱窘我深知今幸蠶鹽略可支寒士本無賒望處

微官也算宦成時  
荻簾屋小圍爐火  
葦席船輕理釣絲  
終是出身貧苦慣  
纔尋樂又戒荒嬉

### 剝榆皮

江國不聞龐涓歿  
胡爲樹有剝皮  
阨榆生不合長嫩皮  
災民剝之抵糠覈  
漫疑藥餌屑青黏  
敢望冷淘拌槐葉  
不知此榆坐何罪  
體無完膚慙急乞  
緩須臾待莢成  
貸粟監河緩難及  
方待汝皮充我腸  
誰肯忍饑遲旦夕  
嗚呼皮之不存榆  
可惜行野條條見  
白骨乃知禍有林  
木延只爲身將溝  
壑逼

### 掘蘆根

生意今年地底伏  
生在蘆根殺在穀  
畝賜毒霧粒米無

命根全恃蘆根續摘蠟爲蠶餘作薪曝乾磨粉聊煮粥  
不呼而集舂鉅齊紛紛遑問地主孰入喉已覺堇荼甘  
沾體那堪泥漿濁蟄蚓方愁何處逃基鴻應嘆無家宿  
嗚呼堇荼何堪充旨蓄飢來亦復當梁肉偶然深掘竟  
成坑死便可埋寧用哭

四野

四野重陰欲雪天年荒比戶少炊烟飢羸滿眼皆垂斃  
忍食何曾一萬錢

城坊曉市尚喧爭出郭都無笑語聲足穀翁家糧亦竭  
黔婁何處更求生

百物流通藉貿遷最繁華是鼓樓前而今冰冷無人過

二道長街好控弦

太平生齒日蕃昌不死兵戈死歲荒天爲疏通人滿愿  
可知國運正靈長

歲暮荒景益甚偕諸紳士設局勸賑卽事感賦  
勸分鄉誼爲災黎哀益先將戶籍稽事大不同援嫂溺  
惠微只恃乞鄰醺身憂天下原非分贊出他人豈自齎  
從非救人堪一笑兒孫方抱飯糲噉

日遇

形容不照鏡生塵只道神衰面未皺出遇故人俱老醜  
始知我亦醜中人

龔孫娶婦

如此荒年舉大婚勉成嘉禮費逾繁滿堂官樣森冠帔  
奕世儒風望子孫恰好一雙聯似壁居然百兩爛盈門  
誰知乃祖完姻日盛酒都無老瓦盆

閱舊作感賦

舊詩重看覺生嫌此是工夫進境遲今日翻思迴味美  
始知才已退江淹

冬暖

只救人寒不救饑饉荒那可更興  
必想天刀下留情處  
尚念民間未贖衣